

沅陵縣志卷二

疆域

陸路

東至蘇黃溪與桃源縣太平鋪交界一百六十五里至桃源縣城五十里

西至瀘溪縣稱銳山交界六十里至瀘溪縣城一里又西至砧堂溪與永順縣洞坪交界通古文坪杜家寨等處與乾州瀘溪交界又北河西岸烏速營所轄通乾州之標金永順之古文坪

南至穿崖之劉家壩與溆浦縣土橋交界計一百三十里

沅陵縣志

卷二

疆域

四

至溆浦縣城九十里又南至蕨菜坡與溆浦縣交界坡自聖人山分支最為險峻蓋聖人山為沅溆界山也

北至醜子界與澧州之永定縣大坪塘交界二百四十里山路極為崎嶇至永定縣城二十里

西北至永順府永順縣茅坪交界一百里至永順縣城一百二十里

東南至青雲觀與長沙府安化縣之空桐崑交界二百里山路極為崎嶇至安化縣城七十里

西南至界牌均與辰谿縣十里鋪交界九十里至辰谿縣城十里

東北與澧州慈利縣之馬鬃嶺交界一百四十里皆山僻
小路至慈利縣城一百二十里

水路

東至界首塘與桃源縣高頭驛交界一百八十里

西南至大龍溪與瀘溪縣交界六十里越瀘溪縣至浦市
復爲沅陵界由浦市江東塘至辰谿魚潭溪交界至沅
陵城一百三十里距辰谿縣城十里

西北至茨桐溪與永順縣鳳灘交界九十里距永順縣城
一百六十里

東南陸路至湖南省長沙府六百六十里水路八百三十

沅陵縣志

卷二

疆域

五

里東北至京師四千三百四十里

通計沅陵南北袤三百五十里東西廣二百三十里東
北隅至西南隅四百一十里西北隅至東南隅三百里
舊志地方三百里舉成數也

論曰沅陵爲萬山莽互之區最爲遼濶然寬廣雖倍於他
邑而租賦所入轉不得半亦可見其地之山多田寡土瘠
民貧矣顧大山長谷而無溝域封樹之制恐無事則蔓延
告訐有事則挪移推諉謂非都鄙無章井疆無制有以階
之厲乎考元和地理志始詳州縣四境道里寰宇記因之
故夾漈鄭氏曰州縣之設有時而更山川之形千古不易

禹貢分州必以山川定經界昔人於此蓋兢兢焉况縣與九邑連界縣治邊境或者荒烟蔓草爲驛遞所未經或者崇山峻嶺爲車騎所不及故必道里遠近有程然後徵發期會有律郵亭斥堠有經也疆域之志不綦重歟